

# Te glasinel pe

Ko puranokurko (nedela) ko 26 maj 2019 tegani i o biribe bašo Evropikano parlamenti.

Val 26 maj 2019  
EUROPAPARLAMENTET

## Ko šaj te glasinel?

Te sian švedikano gradžani (dizari) hem te sian ja pale te sian sine registririmo ki Švedija tut isi pravo te glasine. Tut isi glasibaskoro pravo hem te sian dizari ki jek javer phuv ki EU, te sian registririmo ki Švedija hem te registririnadžan tu ki glasibaskiri lista. Tut trebela te ovel tut pherde 18 berša najkasno ko glasibaskoro dive.

## Tut so isi glasibaskoro pravo ka del pe tuke jek glasibaskiri karta

Tut so isi glasibaskoro pravo, trin kurke angleder o biribe ka del pe tuke jek glasibaskiri karta pošta. Ki glasibaskiri karta terdžola anav, adresa hem keda i phravdo tlo biribaskoro lokali. Othe isi hem primerija bašo lokalija kori so šaj te glasinel pe angleder. Te nane tu tli glasibaskiri karta tegani šaj te poručine jek nevi ki komuna ja pale ko Valmyndigheten (Glasibaskoro vlasti).



## Biribaskere listija

O biribaskere listija isi ko sa o thana kori so šaj te glasine hem ko partije.

## Glasin upri partija

Angleder sa tu glasineja baši jek partija. E partijakoro anav terdžola ko biribaskere listija. Te na arakhljan tle partijakere listija tegani šaj te pišine e partijakoro anav ko jek parno čučo biribaskoro listo. Pišin (hramon) haljovde.

## Glasiba upro dženo

Te mangljan te ovel birimo specijalno disavo partijakoro dženo, tegani šaj te čhive jek nišani ki kocka anglo kandidadeskoro anav ko biribaskoro listo. Tu šaj te glasine disave dženeske odolea so pišinea e partijakoro anav hem e kandidadeskoro anav ko jek čučo biribaskoro listo.

## Glasibe

### Glasin ko tlo biribaskoro lokali ko biribaskoro dive ko 26 maj

Tu šaj te glasine ko odova biribaskoro lokali so terdžola ki tli biribaskiri karta. E biribaskoro lokali i phrvdo smo ko biribaskoro dive. Keda glasinea ko tlo biribaskoro lokali tegani čhivela pe jek nišani ki glasibaskiri lista kori so terdžola tlo anav hem čhivela pet lo glasno ko jek glasibaskoro sanduko.

### Anglovremeskoro (predvremeno) glasiba, ki tli ja pale ki javer komuna

Tu šaj te glasine ko anglovreme ko bilo savo lokali kori so kerela pe anglovremeskoro glasiba ki sa i phuv. O anglovremeskoro glasiba lela te kerel pe jek trin kurke angleder e biribaskoro dive. Informacia bašo anglovremeskoro glasiba šaj te arakhe ki tli komuna ja pale ko [www.val.se](http://www.val.se).

Keda ka ko anglovremeskoro glasibe tegani mora te ovel tut tuja tli glasibaskiri karta.



## Glasin avri e phuvjatar

Te sian avri e phuvjatar tegani šaj te glasine poštaja ja pale šaj te glasine ko švedikane ambasade hem konzulatija. Kaj te šaj te glasine poštaja tegani trebela te poručine jek specijalno matrijali taro Valmyndigheten (Biribaskoro vlasti), komuna, ambasada ja pale konzulati.

## Glasibaskoro pomoč (dumodejbe)

### Glasibe personalno reprezentanteja

Te isi tut nasvalipa, funkciniribaskoro činaviba ja pale te sian but phuro hem našti te dža ko glasibaskoro lokali, tegani šaj te glasine jekhe personalno reprezentanteja (Ombud). Tu šaj te glasine personalno reprezentanteja te sian lindo ko pritvor ja pale ko phanlipe. Kaj te šaj te glasinel pe personalno reprezentanteja tegani trebela manuše specijalno matrijali so poručinela pe tari komuna ja pale taro Valmyndigheten (Biribaskoro vlasti).

Akala džene šaj te oven personalno reprezentantija (ombud):

- Rom, romni ja pale sambo
- Romeskoro, romnjakoro ja pale samboskoro čhavo/čhaj, unuko, daj-dad ja pale phenja-phralja
- Okola so dena tut profesionalno arakhibe ja pale pomožinena tut ko tle personalno buča
- Bučakerde manuša ko pritvor hem ko phanlipe

O personalno reprezentanti mora te ovel ole najari 18 berša hem te šaj te sikavel pli lično karta.

### Ambulantikano (phirutno) glasengoro khedari

Te nane tut ko te ovel tuke personalno reprezentanti, tegani i komuna šaj te pomožinel tut te bičhal tute khere jek glasengoro khedari. Baši buteder informacija kontaktirin tle komuna.

## Tu mora te sikave tlo identiteti

Kaj te šaj te glasine tu mora te sikave tlo identiteti. Te na pendžarena tut o manuša so kerena buti e glasibaskere listaja, tegani mora te sikave disave identifiribaskere dokumentija, ko primer, vozačko dozvola ja pale pasoši. Te nane tut disave identifiribaskere dokumentija tegani javer manuš šaj te zorakerel (potvrđinel) kaj tu sian tu, ama tegani odova manuš trebela te sikavel ple identifiribaskoro dokumenti.

## Kalendari bašo EU-biribat 2019

<b>11 aprili</b>	Najrano datum te šaj te mukhel pe ki pošta e poštakoro glasiba avri e phuvjatar.
<b>26 aprili</b>	Tlo glasibaskoro pravo odlučinela pe premal o podatke ko Skatteverketeskoro prijavibaskoro registri.
<b>2 maj</b>	Najrano datum te šaj te glasinel pe avri e phuvjatar ko švedikane ambasade hem konzulatija.
<b>8 maj</b>	Ki Švedija lela te ovel Anglovremeskoro glasibe.
<b>26 maj</b>	Biribaskoro dive.